

還硯齋易漢學擬旨

還硯齋易漢學擬旨一卷全

福州趙新又銘輯

男

慶楫

孫詒書謹校字

詒經

乾

九二見龍在田利見大人○陽息至二體兌爲見故稱見
龍易有三才初二地道地上故在田大人謂天子二升
坤五下體離離爲見故曰利見大人

九三君子終日乾乾夕惕若厲无咎○陽息至三二變成
離離爲日坤爲夕三四人道故不稱龍三得位故曰君

子以乾接乾故曰乾乾四變體坎爲惕故夕惕厲危也
三多凶故厲因時而惕故无咎

九五飛龍在天利見大人○五體離離爲飛五在天故曰
飛龍在天二變應之故利見大人謂若庖犧觀象于天
造作八卦備物致用以利天下天下之所利見也

大哉乾元萬物資始乃統天○陽稱大資取也統始也六
十四卦萬有一千五百二十筴皆受始於乾也

雲行雨施品物流形○已成既濟上坎爲雲下坎爲雨故
雲行雨施乾以雲雨流坤之形萬物化成故品物流形

大明終始節○乾爲大明坤二五之乾成離離爲日坎爲

月日月終始萬物故曰大明終始六位六爻之位初陽
出震二息兌震春兌秋二四上正坎冬離夏故曰六位
時成六龍六陽也御行也六陽消息周三百六十五日
成歲四時乘六位以行乎天故曰時乘六龍以御天以
言亨也

乾道變化節 ○以乾通坤曰變以坤凝乾曰化乾爲性巽
爲命大和乾元也既濟定剛柔位當陰陽合德故各正
性命保合大和乃利貞矣

象曰天行健節 ○陽出震爲行傳曰君子尙消息盈虛天
行也不曰乾而曰健以天行而言也君子謂三乾健故

易道指目 卷之二
二
強一日一夜過周一度故自強不息

元者善之長也

四句

○乾爲積善始息於子首出庶物故

曰長會合也以乾通坤嘉美所合故曰會利義之和者
陰陽相和各得其宜也貞事之幹者幹舉也位正則事
舉也

君子體仁足以長人

四句

○乾六爻皆稱君子初息震震

爲仁爲諸侯故體仁足以長人乾以嘉美通坤陽稱嘉
坤爲禮故嘉會足以合禮陽稱物坤爲義坤來成乾和
順道德而理於義故利物足以和義坤爲事以乾舉坤
剛柔皆正物莫能傾故貞固足以幹事

龍德而正中者也。至君德也。○中下之中正中謂變之正也。二非陽位故曰正中。二之正體震震爲言爲行庸常也。震爲常三息體坎坎爲孚爲法言孚故信行法故果。閑防也。二非其位故以閑邪言之。能處中和故以存誠言之。陽升坤五始以美德利天下不言所利故曰不伐。處五居坤故德博羣陰順從故物化有天德可居天位。故曰君德。

君子進德修業。至居業也。○乾爲德坤爲業以乾通坤謂之進德修業。離中爲忠坎孚爲信與初二爲離坎此終乾之事所以進德震言爲辭坎孚爲誠與上坤爲震坎

此通坤之事所以居業

知至至之

四句

○三處否泰之交否將至三至之謂夕惕

若厲幾者動之微吉之先見者謂復初也泰將終三終之謂終日乾乾地靜而理曰義易以坤成乾之性乾元常存故繫曰成性存存道義之門虞氏注引知終終之可與存義也

是故居上位

二句

○天道三才一乾而以至三乾成故爲

上夕惕若厲故不驕下位謂初二反復道又體乾初憂則違之故不憂

同聲相應

至

則各從其類也○同聲相應謂震巽也雷風

相薄故相應同氣相求謂艮兌也山澤通氣故相求水流濕火就燥謂坎離也離上而坎下水火不相射雲從龍風從虎謂乾坤也乾爲龍雲生天故從龍坤爲虎風生地故從虎此庖犧則象觀變六位之列所以摩剛柔也初震二巽貞地位故同聲相應五艮上兌貞天位故同氣相求三貞下坎水流濕也四貞上離火就燥也天尊貞五坎體成於乾雲從龍也地卑貞二二巽位風從虎也此參天兩地之數妙萬物之本聖人謂庖犧合德乾五造作八卦故聖人作觀見也五變五體離離爲見故萬物觀震坎艮皆出乎乾故曰本乎天而與乾親故

易經卷之三
曰親上與離兌皆出乎坤故曰本乎地而與坤親故曰
親下天尊故上地卑故下也二五相應如物類之相感
故下之應上猶子之相父母各從其類

乾元用九天下治也○正元以成化故天下治謂定既濟
也

乾元用九乃見天則○六爻皆正天之法也在人則爲王
度乾鑿度曰易六位正王度見矣

乾元者始而亨者也○乾始開通以陽通陰故始通

利貞者性情也○性情古本作情性魏伯陽曰爻不正以
歸於正故曰利貞性中也情者性之發也發而中節是

推情合性謂之和也易尙中和故曰利貞者情性

乾始能以美利利天下

三句

○乾始元也美利謂雲行雨

施品物流形故利天下天何言哉四時行焉百物生焉
故利之大者也

剛健中正純粹精也○七者乾之性剛者天德也健者天
行也中謂居五正謂居初與三也純兼統陰爻也粹不
雜也一氣能變曰精繫曰精氣爲物

六爻發揮旁通情也○發動揮變也當爻交錯謂之發揮
全卦對易謂之旁通乾往之坤坤來之乾是乾之情

時乘六龍

四句

○言乾六爻乘時以居天位坤下承之成

既濟定陰陽和均而得其正故天下平

君子學以聚之

四句

○謂乾二陽在二兌爲口震爲言爲

講論坤爲文故學以聚之間以辨之震爲寬仁爲行謂居寬行仁德博而化也

夫大人者

至

況於鬼神乎○大人謂五與天合德謂居五

與地合德謂居二坤五之乾二成離離爲日乾二之坤五成坎坎爲月故與日月合其明消息之序剝窮於上乾五歸三成謙體坎陽生仲冬也謙息履乾三之坤初爲復出震春也上息成離兌初三易位離象先成是離夏兌秋相次是與四時合其序乾爲神坤爲鬼乾神合

吉神鬼合凶以乾之坤是與鬼神合其吉凶乾九二在先故曰先天而居坤五故天弗違坤六五在後故曰後天降居乾二故奉天時

坤

西南得朋

四句

○此指說易道陰陽消息之大象也謂陽

句

月三日變而成震出庚至月八日成兌見丁庚西丁

南故西南得朋二陽爲朋也二十九日消乙入坤滅藏

於癸乙東癸北故東北喪朋謂之以坤滅乾坤爲喪也

君子以厚德載物○勢力也君子謂乾陽爲德動在坤下

君子之德車故厚德載物老子曰勝人者有力也

直方大不習无不利○文言注云陽稱直乾其動也直方謂關坤其動也關則謂六二之動陽見兌丁體臨故大也習重也坎爲習乾二以變坎爲正三時發嫌二失正非利故云不習无不利六爻獨此言利者明西南得朋六二當之

六二之動四句○陽動至二萬物化光地道動而交陽非失位也

含章可貞三句○貞正也以陰包陽故含章三失位發得正故可貞也三已發成泰乾爲王坤爲事震爲從故或從王事地道无成而有終故无成有終

黃裳元吉○虞例謂五動體觀坤爲帛與爲股帛在股爲裳地色黃故黃裳自有乾元非自外至故元吉○荀例坤爲裳黃中之色裳下之飾五當之乾二而居下中故曰黃裳降二承乾陰陽位正故元吉○按爻言元吉者凡十二卦

用六利永貞○乾用九以交坤坤用六以息陽陽以得位爲正陰以永陽爲正永長也四利括囊上反龍戰知有此用則可長正故坤爲永也

直其正也方其義也

五句

○謂二陽稱直乾其靜也專其

動也直故直其正方謂關陰開爲方坤其靜也翕其動

也。闢故方其義，陽息在二，故敬以直內，坤位在外，故義以方外。謂陽見兌丁西南得朋，乃與類行，故德不孤，孔子曰：必有鄰也。

君子黃中通理，正位居體。○謂五坤息體，觀地色黃，坤爲理，以乾通坤，故稱通理。五正陽位，故曰正位。艮爲居體，謂四肢也。艮爲兩肱，巽爲兩股，故曰黃中通理，正位居體。

蒙

蒙亨以亨行，時中也。○卦自艮來，三之二爲剛中，變正爲柔中，故以亨行，時中。

蒙以養正聖功也○體頤爲養二志應五五之正反蒙爲聖故曰聖功五多功也

君子以果行育德○君子謂二艮爲果震爲行育養也體頤養故以果行育德

九二包蒙吉納婦吉子克家○坤爲包應五據初初與三四同體包養四陰故包蒙吉震剛爲夫伏巽爲婦二以剛接柔故納婦吉二稱家震長子主器者納婦成初故有子克家也○張皋文曰養蒙之道外則師傅內則后妃納婦吉子克家謂母教也

需

需有孚光亨至利涉大川○孚謂五離目爲光大壯四之
五得位得中故光亨貞吉二失位變而涉坎坎爲大川
得位應五故利涉大川

位乎天位以正中也○謂五

雲上於天需君子以飲食宴樂○天須雲降雨以養物君
子謂乾坎水流入兌口爲飲二失位變噬嗑爲食故以
飲食陽在內稱宴大壯震爲樂故宴樂也

九五需于酒食貞吉○二變應五體噬嗑酒食之象五互
離坎亦飲食之象貞謂二也

師

師貞丈人吉无咎○丈人謂二丈長也震爲長子故稱丈人二失位當升五爲比故云貞丈人吉

師衆也

至

又何咎矣○坤爲衆二失位之五體比得位得

中征之爲言正也以師正天下故云以衆正可以王矣
剛中謂二應謂上下五陰自二至四體震爲行內卦體
坎爲險外卦體坤爲順故行險而順坎爲毒坤爲民貞
丈人故民從之

地中有水師君子以容民畜衆○君子乾二也坤爲民爲
衆容寬也體震爲寬仁畜養也五變二至五有頤象故
以容民畜衆

九二在師中吉无咎王三錫命○同人乾五爲王巽爲命
師息同人由二故有此象五至二三爻故三錫

比

比吉原筮元永貞无咎○師二升五羣陰順從比而輔之
故吉原再也原筮再筮也師同人震巽相通受命如嚮
筮象也之五爲比通大有大有乾爲著兌爲口說比艮
爲手手著而說又有筮象故曰原筮乾五得位乾元始
正五下初息大有乾元正則五爻皆正故元永貞

比先王以建萬國親諸侯○乾爲王爲先比五卽乾五故
曰先王初正體震震爲侯初剛難拔故曰建坤爲衆爲

國故曰萬國比四月卦月令立夏封諸侯

初六有孚比之无咎至有它吉○五體坎爲孚初與五比

故有孚初之正體屯爲盈本爻體坤爲缶外坎內坤坎水流坤盈缶象非應曰它初應四遠五五終來比之故吉○荀氏初在應外以喻殊俗缶在應內以喻中國九五之信旣盈滿中國初雖在殊俗不與五應而五之誠信足以及之蓋比卦五陰皆以比五爲吉凶獨初則五來比之變正爲前禽故曰有它吉○鄭氏爻辰比初爻辰在未上值東井井水人所汲用缶汲器

九五顯比至不誠吉○五得中處多功之位羣陰所比者

比初三爻變正則五體兩離離爲重明故曰顯比三驅
以下則以田法喻伐畔懷服之義也乾爲王三驅失前
禽者驅下三陰不及初也由師三升比五歷三爻皆陰
故曰三驅五自二升而不及初三驅之法三面遮禽獨
開前面故失前禽坤爲邑師震爲人師二之五成比震
在坤中故曰邑人二上之五爲比之主人所樂比故不
待告誡也

小畜

風行天上小畜君子以懿文德○風地氣也行天上散天
氣於地以陰畜陽之象君子謂乾懿美也小畜旁通豫

豫坤爲文乾爲德離爲明初至四體夬爲書契乾離照坤故懿文德也

九五有孚變如富以其鄰○孚五謂二也變引也與爲繩豫艮爲手二失位五欲其變故曰變如以及也五貴稱富鄰謂三三體兌兌位在西五在豫爲震震位在東故稱鄰二變承三故富以其鄰

履

剛中正至光明也○剛中正謂五履本謙息謙震爲帝五帝位坎爲疾病乾爲大明五履帝位坎象不見故履帝位而不疚光明也

上天下澤履君子以辨上下定民志○君子謂乾辨別也
乾天爲上兌澤爲下謙坤爲民坎爲志謙時坤在乾上
變而爲履故辨上下定民志也

初九素履往无咎○以應四而言也四體巽爲白故素履
四失位變往得正故往初已得正使四獨變在外稱往
象曰獨行願也

上九視履考祥其旋元吉○應在三三先視上上亦視三
故曰視履考祥考積也祥善也乾爲積善故考祥旋易
也三上易位則四變成旣濟定乾元故其旋元吉

泰

天地交泰 至 左右民○后君也五本坤坤爲臣道而稱后者泰消息爲辟卦故稱后也坤富稱財輔以陰輔陽相贊也卦體震兌震爲左兌爲右坤爲民富之教之皆贊化育成既濟之事

初九拔茅茹以其彙征吉○此以否反爲泰言也否巽爲茅茹茅根指初艮爲手彙類也二升五拔茅而連初故云拔茅茹初與三皆其類也故云以其彙二升五則六爻得位陰陽氣通故有是象非謂三陽俱升也征行也初得位應四故征吉

六四翩翩不富以其鄰不戒以孚○此以定既濟言也二

五變四體離飛故翩翩坤凝乾元故廣生爲富五未正位坤虛無陽故曰不富鄰謂四上四上同在坤體故曰不富以其鄰戒告也四體震爲言二升之五滅震成坎故不戒以孚

六五帝乙歸妹以祉元吉○此以定旣濟言也五未正時震爲帝坤爲乙震爲兄兌爲妹五以陰爻居貴位帝妹之象五下降二貴而能降有帝妹下嫁之象祉福也乾爲福二五正時五下嫁二二上升五陰承乾福故曰以祉元吉

同人

同人于野亨利涉大川利君子貞○卦名同人者取夫婦之義又互巽爲同旁通師震震爲人外卦乾爲野震巽同聲相應乾坤交通二五得位此同人亨之象也利涉大川利君子貞亦以定旣濟而言也本卦四上不正變正成坎坎爲大川二往應之故曰利涉大川君子謂五五類族辨物天下志通乃旣濟所由定者故曰利君子貞

唯君子爲能通天下之志○此以定旣濟言四上變正成坎坎爲通爲志六爻位當故能通天下之志

君子以類族辨物○君子謂乾卦旁通坤坤爲類乾爲族

辨別也乾陽物坤陰物自一至五體違天地相遇品物咸章以乾照坤故以類族辨物

上九同人于郊无悔○此以變正而言卦體乾乾位西北之郊上九體乾亢龍宜有悔變之正則既濟定而九五得通天下之志故无悔也

大有

大有元亨○大謂陽以一陰有衆陽故曰大有柔得尊位大中應天而時行故曰元亨

應乎天而時行是以元亨○時謂四時大有通比比初動成震爲春至二兌爲秋至三離爲夏坎爲冬故曰時行

以乾通坤是以元亨

君子以遏惡揚善順天休命○君子謂乾乾爲善坤爲惡以乾滅坤體夫揚於王庭故遏惡揚善乾爲休二變體巽巽爲命坤爲順故順天休命

九二大輿以載至无咎○此以二正應五言也卦通比比坤爲大輿比二息大有則乾積坤上以坤載乾故曰大輿以載爻自內之外曰往以應五言也二失位變應五故无咎

九三公用亨于天子○此以得正而言也三爲三公五爲天子二變正體鼎大亨以養聖賢三得位爲賢人故用

亨于天子又三應上上爲宗廟天子亨諸侯必於祖廟也

六五厥孚交如威如吉○此以變正言也孚信也二五應爲交二五俱失位今俱變正故厥孚交如乾爲威五變體乾發得位故威如吉

上九自天右之吉无不利○此綜一卦之義而結之乾爲天大有通比坤爲自兌爲右故自天右之比坤爲順乾爲信天道助順人道助信履信思順又以尚賢故自天右之吉无不利○張皋文曰履信謂坤履乾思順謂乾比坤尚賢者乾爲賢人坤在乾下有尚賢之象

謙

謙亨君子有終○乾上九來之坤成謙乾上亢龍盈不可
久虧之坤三致恭以存其位故曰謙天道下濟以乾通
坤故亨君子謂三三於三才爲人道故曰君子艮爲終
三體艮故有終

天道下濟而光明二句○乾上九之坤三以乾照坤故下

濟而光明坤六三之乾上天尊地卑故卑而上行

天道虧盈而益謙二句○乾盈於上虧之坤三故虧盈貴

處賤位故益謙謙二以坤變乾盈坎動而潤下故流謙
坤爲鬼謂四乾爲神謂三盈則詘坤而爲鬼信則信乾

而爲神故鬼神害盈而福謙乾爲人爲好坤爲惡乾盈則就坤故惡盈乾來反三成謙故好謙

君子以裒多益寡稱物平施○君子謂三裒取也稱量也陽爲多陰爲寡乾爲物爲施坎爲平裒乾益坤以坎量而平乾是謂裒多益寡稱物平施

初六謙謙君子用涉大川吉○此以息履言也謙三降初則息履以卦論則乾上來之三謙也以消息論則三又降初息履謙而又謙也故曰謙謙君子謂三三本體坎升五又體坎坎爲大川初坤爲用故用涉大川吉

六二鳴謙貞吉○亦以息履言也三已降初二息體震善

鳴故曰鳴謙息則失位正而承三則吉

六四无不利撝謙○此以承五言也陰得正居四故利撝舉也艮爲手撝者撝三使上居五也五虚无君衆陰俱利三升五而撝之者四故曰撝謙

六五不富以其鄰三句○此以三旣升五言也五未正坤

虚爲不富鄰謂三三在謙爲震在履爲兌震東兌西鄰象以之者以三居五也自二至上體師五變正利執言故利用侵伐坤爲用五虚无君三來侵伐坤之邑國衆陰得志承陽故无不利

上六鳴謙利用行師征邑國○上利五之正上應在震故

日鳴謙震爲行自二至上體師故曰行邑國坤爲邑國
征邑國本五之事而上亦云者上利五之正已得從征
也

豫

豫利建侯行師○豫怡也建侯所以興利行師所以除害
利興害除民所豫樂故取之也卦內體坤坤爲邦國外
體震震爲諸侯又自初至五體比象比建萬國親諸侯
故利建侯自三至上有師象本體震爲行故曰行師
豫剛應而志行順以動豫○剛謂四應謂五陰互坎爲志
體震爲行卦以九四一陽爲主五陰應之其志得行

豫順以動故天地如之○豫通小畜小畜乾爲天豫坤爲地如之謂天地亦動而成四時

天地以順動 三句 ○此以息小畜言也豫坤爲地動初至

三則成小畜內卦而爲乾故天地以順動也過失度也自初變至五成需需體坎而互離離日坎月各得其正故日月不過四時謂初動震成春至二體兌爲秋至五體坎爲冬離爲夏四時各得其正故曰不忒

聖人以順動則刑罰清而民服○四下息初體復復初爲聖人豫動初至四體兌至五體坎兌爲刑坎爲罰兌四坎五體皆得正故刑罰清坤爲民豫內卦坤動初至三

易經卷之三
成乾乾來據坤民服之象

先王以作樂崇德至祖考○初動至三成乾乾爲先爲王
乾爲德震爲音爲樂故以作樂崇德震爲帝坤爲鬼小
畜乾伏坤下爲祖考配上帝禘郊祖宗之祭也卦息小
畜互離體乾離南乾郊南郊之象離嚮明明堂之象禮
郊於南郊禘祖宗於明堂此其禮也

九四由豫大有得二句○此以一卦之主言也由豫者羣

陰由四而豫也四以一陽據有五陰故大有得體坎爲
疑據消息四宜復初不與三五成坎故勿疑四息小畜
兌爲朋體坤爲盍互坎爲聚坤爲衆衆陰並應故朋盍

戠○戠猶埴也書赤埴墳鄭氏本作戠攷工記有埴埴之工用水合土爲瓦也說文埴黏土也又作壘見揚子易義坤爲土坎爲水一陽而衆陰應如水土之相黏著故曰朋盍戠

隨

初九官有渝至有功○此以四變隨初言也初四敵應不相與然初以剛下柔體乾元之正四當變而從初故曰官有渝貞吉官指四四體艮爲官渝變也之正曰貞從陽爲吉日出門爻有功者爻自初至三體震爲出二之四體艮爲門初四爻必出艮之門故日出門爻例五多

功四變承五故有功四隨初初得變四故出門交有功九五孚于嘉吉○此以得中定既濟而言也體坎爲孚陽稱嘉一說嘉嘉禮也隨卦陰係乎陽合於嘉禮五爲卦主故總論一卦之義也

上六王用亨于西山○王謂五否乾爲王二至五體觀亨之象卦體兌艮兌爲西艮爲山故曰西山用五用上也上自坤升爲用兌艮之象由上升而成故曰用亨于西山蓋既濟功成而行封禪之事○案升言岐山以受命爲義明王業所自始也隨言西山以正泰爲義中興之象也但言西山例之四嶽也

臨

君子以教思无穷二句○君子謂二二失位稱君子者以

升五言也震爲言兌口講習教之義坎心爲思剛浸長
、有无窮之義故教思无穷容寬也互震爲寬仁坤爲民
以二撫坤故容保民無疆

初九咸臨貞吉○以得正感四言

九二咸臨吉无不利○以升五言

六四至臨无咎○以四當往應初言

六五知臨大君之宜吉○以二五易位言二正成泰二五

易位本中和之德成既濟之功故吉

上六敦臨吉无咎○此以得正定既濟言坤爲厚故曰敦

臨

觀

觀天之神道

至

天下服矣○神道謂五乾爲道爲神卦反

臨臨震兌爲春秋三上易位坎冬離夏既濟日月象正
故不忒聖人謂乾神道設教謂退藏於密而齊夫巽以
神明其德教也

先王以省方觀民設教○觀消卦臨乾未成故曰先王坤
爲方爲民以乾照坤故以省方觀民設教

六四觀國之光

二句

○此以四正承五言亦以反臨爲義

也觀之五也臨陽至二天下文明反上成觀進顯天位
故四觀國之光乾爲王五體乾爻故稱王賓五以賓禮
待四也四體坤爲臣爲用於爻例又爲諸侯故利用賓
于王○案聘禮記歸大禮之日有請觀之禮若韓起觀
書季札觀樂是諸侯朝於王亦然是謂觀國之光○又
案觀之言灌大饗有裸賓之禮故典瑞云灌圭有瓚以
肆先王以裸賓客四爲三公上公王禮再裸洛誥裸於
太室太室明堂中央室也而稱王賓則賓於王者唯裸
禮爲最故曰利用賓於王也

賁

柔來而文剛故亨○卦自泰來柔謂二剛謂三二從上來
與三成離故柔來而文剛

分剛上而文柔○剛謂三分三分之也五已變三上與五
成離是分剛上而文柔

故小利有攸往天文也○此承上句言五利變之正成巽
體離坎巽爲高本體艮爲星互坎離爲日月五爲天位
離爲文明日月星辰高麗於上故曰天文也

文明以止人文也○人謂三三爲人道故曰人離爲文明
艮爲止五已變據四上下兩離交集於三故文明以止
人文也

觀乎天文

四句

○日月星辰爲天文卦自泰來泰互震兌
震春兌秋本卦體坎離坎冬離夏五變體巽爲進退
日月星辰有進退盈縮故觀乎天文以察時變也泰乾
爲人五上動成既濟則賁三體重離重明以麗乎正故
以化成天下

九三賁如濡如永貞吉○以得正言卽所謂文明以止者
爻介兩離一坎之中離文自飾故賁如坎水自潤故濡
如守正則吉

復

初九不遠復无祇悔元吉○初凝乾元爲卦主

六四中行獨復○以得正應初言中謂初董子曰二至者
天地之中中者天地之太極也太極元氣函三爲一
者元也極者中也卽復之初也初體震震爲行故曰中
行獨卽一也初一陽爻故稱獨四得正應初故中行獨
復象曰以從道謂從初也

六五敦復无悔○以變正而言敦厚也坤爲厚故敦復變
正體坎爲悔動成離坎象不見故无悔

无妄

大亨以正天之命也○大亨謂初以正謂初使四變承五
也初爲卦主體乾元應在四故能使四之正承五乾爲

天與爲命四變正實體乾初之命故曰天之命

物與无妄

二句

○與皆也妄亡也震爲雷爲反生帝出乎

震各正性命物无所亡故曰无妄先王謂乾初乾盈爲
茂艮爲時配對也初至四體頤養象萬物出震故以茂
對時育萬物

六二不耕穫

三句

○此以得位應五利四變正而言也卦

終變成益益初利用爲大作耕耨之象四未變無坤田
故不耕四變則無田而有田震爲禾稼艮爲手禾在手
中穫象田在初一歲曰菑在二二歲曰畚初爻非坤故
不菑四變則坤田在二故不菑而畚利有攸往應五也

易經通義卷之三
三
之外稱往○此爻爲无妄之福

大畜

大畜利貞不家食吉利涉大川○大畜以陰畜陽義同小畜小畜以一陰畜復復陽小大畜以二陰畜臨臨陽大爻二五利易位故利貞爻例二爲家卦自三至上體頤養而在外卦故不家食二五易位定旣濟體兩坎故利涉大川

大畜剛健篤實輝光日新至應乎天也○體乾剛健體艮篤實定旣濟體兩離故輝光卦自大壯來大壯初升上故剛上體艮爲賢人乾健艮止二五易位故大正艮爲

賢人乾下養上體頤故曰養賢定既濟體兩坎故曰利涉大川天德定既濟故曰應乎天

君子以多識至其德○君子謂乾三本卦內艮艮爲多二五易位互坎坎爲志自三至五體震震爲言爲行乾知大始震在乾前故多識前言往行乾爲德體頤故以畜其德

上九何天之衢亨○以變正定既濟言何當也乾爲天震艮爲道以震交艮故何天之衢二五易位上變成坎坎爲亨故曰亨○衢者九交之道天有九道天衢象也惠松崖曰天衢者房南二星北二星爲四表中間爲天衢

之大道黃道之所經也大畜象取天在中山中山川精氣
上爲列星此之謂也

頤

觀頤觀其所養也二句○所養謂三五上自養謂三之正

五上易位○頤者養也自養則吉求養則凶故三五上
皆以自養爲義

天地養萬物二句○天地位萬物育以得正成旣濟言初

體乾元爲聖人上體艮爲賢人中體坤四陰爲民頤義
取下養上故聖人養賢坤民皆在震上初以貴下賤大
得民故以及萬民

坎

習坎有孚維心亨行有尙○習常也八純卦唯坎加習者
嫌陽陷陰中非正故特著其義也孚謂二五坎爲水水
行往來朝宗於海不失其時如月之行天故曰習坎有
孚也坎爲亟心乾二五流坤陰陽會合故亨行謂二尙
謂五二體震爲行動得正應五故行有尙彖傳所謂往
有功也

君子以常德行習教事○君子謂乾五乾五大人而稱君
子者坎不盈德盈而業未大也坎爲習爲常乾爲德震
爲行觀巽爲教令坎會乾出震常德行也變觀習教事

也

六四尊酒簋貳用缶

四句

○以得位承五言四體震長子

主祭器故有尊簋本卦坎爲酒貳副也禮有副尊坤爲缶爲用五本坤也故用缶納約自牖據四順五而言四陰小故稱約坎爲入故曰納互體艮艮爲牖故自牖得位承五故无咎○按爻例五天子四諸侯坎二變爲比有天子親諸侯之象禮有饗有食有燕尊酒者饗用酒也簋者食用黍稷也貳用缶者君尊瓦大兩也禮有副尊者謂臣尊兩方壺無元酒君尊以酒與元酒爲副也內約四自約以交五也凡饗食之禮賓席在牖間至燕

則爲苟敬席於阼階之西北面鄭註燕禮云主國君饗時親禮於賓今燕又且獻焉人臣不敢褻煩尊者至此升堂而揖讓欲以臣禮燕爲恭敬也是謂納約自牖據爻辰本爻六四上承九五又互體在震上爻辰在丑丑上值斗可以斟之象斗上有建星建星形似盞貳副也建星上有弁星弁星形似缶天子大臣以王命出會諸侯主國尊於盞副設元酒而用缶也

九五坎不盈祇既平无咎○此以居中得正言水溢爲盈本爻互艮坎流艮止故不盈坎爲平祇漢易作禔安也坎本坤坤安貞吉故言安

離

離麗也 至吉也○麗謂以陰麗陽離爲日坎爲月乾爲天
五伏陽出上體先成坎下體本離是日月麗乎天坎震
爲百穀離巽爲草木坤爲地乾二五之坤成坎互震而
體屯屯者盈也盈天地之間唯萬物萬物出震是百穀
草木麗乎地離爲明卦兩象皆離故曰重明麗乎正旁
通坎也出離成坎向明而治物皆相見故以化成天下
柔謂六五中正謂五伏陽坎外卦三爻皆正六五爲坤
中出離爲坎乾坤交故亨正坎爲吉

明兩作離

至

四方○兩謂日與月也乾五之坤成坎坤二

之乾成離離坎日月之象故明兩作離或以日與火爲
兩作義亦通也大人謂五五伏陽稱大人坎月離日代
明故曰繼明坤爲方乾二五之坤成坎震坤二五之乾
成離兌四方之象故日照於四方

上九王用出征

至

无咎○以變正成坎言也五正體乾爲

王坎震爲出坎初至四體師故王用出征首謂二五離
之二五本以坤而折乾今五伏陽出而折二五是又以
乾折坤故曰折首陽稱嘉醜類也乾五征坤初三四上
皆變陰故以陽得陰曰獲非其醜五正而諸爻隨之故
无咎

咸

天地感

至

可見矣○否由咸反泰天地絪縕萬物化醇否
乾爲聖人初四易位成旣濟體兩坎坎爲心爲平故聖
人感人心而天下和平四之初以離日見天坎月見地
懸象著明萬物見離故天地萬物之情可見

君子以虛受人○君子謂否乾否乾爲人坤爲虛謂坤虛
三而受上故以虛受人艮山在地下爲謙在澤下爲虛
也

恒

恒久也

至

雷風相與○泰乾初之四爲剛上泰坤四之初

為柔下震雷與風同聲相應故雷風相與

恒亨利貞

至

可見矣○此專釋利貞之義凡不變者非恒

故利貞乃久於其道泰乾為天泰坤為地故以天地之道明之終則有始有讀曰又恒終成益否泰相乘故終則又始爻動初成乾為天動二成離為日動三成坎為月故日月得天而能久照春夏為變秋冬為化爻變至二離夏兌秋至三震春至五坎冬故四時變化而能久成聖人謂乾五乾為道恒爻初二四上正則成既濟乾道變化各正性命所謂久於其道也既濟體兩離重明麗正化成天下故曰而天下化成以離日照乾以坎月

照坤萬物出震故天地萬物之性可見與咸同義

君子以立不易方○君子謂乾三乾爲立爲易坤爲方恒
內卦本乾諸爻失位唯三獨正三不變則上應二而成
既濟故貴立不易方已成既濟然後之益所謂終則又
始也蓋不變不可以爲恒不正不可以爲恒三上正位
終變成益聖人久於其道之象也

遯

六二執之用黃牛二句○此以二利貞遯而言也執二執

三也體艮手稱執坤爲黃爲子母牛艮爲皮二得中貞
遯固志守正故莫之勝說卦辭所謂小利貞也

大壯

大壯利貞至可見矣○大者正也正謂五大謂陽四升五則大正正大謂四之五成需需體坎離以離日見天坎月見地故天地之情可見

大壯君子以非禮弗履○君子謂乾陽大壯外震內乾以震足履乾履非所履四正成坎震足不見故曰非禮弗履

晉

晉康侯用錫馬蕃庶晝日三接○晉觀之消卦觀五爲王今下之四四用賓於王者今上之五有王室旣衰方伯

輔政率諸侯以朝王之象康安也康侯安國之侯錫爲
錫貢納錫之錫蕃庶衆多也錫馬蕃庶覲禮匹馬卓上
九馬隨之諸侯享王之事也三接將幣三享也各傳受
策之覲是也卦象坤爲安初動震爲侯坎爲馬動震亦
爲馬坤爲用故用錫馬艮爲多坤爲衆故蕃庶離爲日
居上故晝日坤三陰在下故三接

晉進也至三接也○皆取四進麗五之義

君子以自照明德○君子謂觀乾乾爲德坤爲自離爲明
乾五動以離日自照故以自照明德

家人

家人利女貞○此遯之消卦於象爲木生火火以木爲家
故曰家人女謂離巽二體離中女巽長女也二四俱得
正故利女貞

父父子子至天下定矣○五體遠乾爲父三體遠艮爲子
五三位正故父父子子三動時震爲兄艮爲弟初五位
正故兄兄弟第三動時震爲夫巽四爲婦初四位正故
夫夫婦婦統而言之五父三子父尊子卑之象著矣初
兄五弟兄先弟後之象著矣初夫四婦夫內成婦外成
之象著矣三上易位六爻皆正故家道正天下定謂定
既濟也

君子以言有物

二句

○君子謂乾三三動震爲言爲行納

上成坎爲法故有物有恒

九五王假有家勿恤吉象曰王假有家交相愛也○此以九五得正得中而言也假大也乾五稱王家謂二坎爲恤謂三變則五交二無憂而吉○乾爲愛震爲交三動愛上六爻和會故交相愛孟子謂親其親長其長而天下平卽其義也

上九有孚威如終吉○此以三權變而上與三易位言也三已變與上易位則成坎坎爲孚故有孚乾爲威故威如自上之坤三上易位而皆得正故終吉

睽

九二遇主于巷无咎○以變正言二動體震震爲主器故稱主二動互艮爲宮爲徑路宮中徑路巷象遇之者謂五遇二也二變正五伏陽出應之各得其位故无咎

解

解利西南往得衆也至往有功也○觀坤爲衆二居上五據坤故往得衆復初爲中二五已正四來反初體復故乃得中也往有功以二之五言五多功也

天地解至甲坼○臨乾解坤故天地解解於卦爲春分二

月節春分雷動地中本卦下坎爲雨故雷雨作木實曰

果皮曰甲根曰宅乾爲百果震爲草木離爲甲艮爲宅
萬物出震故百果草木皆甲宅

九二田獲三狐

至

貞吉○此以變正言爻體乾二故稱田

田獵也二變之正體艮爲狐本體坎爲弓離爲黃矢矢
貫狐體二之五歷三爻故獲三狐之正得中故吉

上六公用射隼于高墉之上獲之无不利○以應三言三
失位應變正故發其義於上也公謂三伏陽也三於爻
爲三公故稱公伏陽未出三體離離爲飛鳥隼之象伏
陽出則三成乾而體大過貫離隼入大過死象三變下
體成巽巽爲高爲墉故于高墉之上二五先正初四易

位三伏陽出則既濟定故无不利

損

損有孚元吉

至

二簋可用亨○坎爲孚五變正體坎故有

孚二五本失位有咎變之正故元吉无咎二五失位二
宜貞五五宜降二故可貞爻例之外曰往卦三上失正
三宜之上故利有攸往此俱以成益言○曷之用二簋
可用亨者亦以成益定既濟言也損二體震而互坤震
屬木坤爲器卦自泰來泰乾爲圓木器而圓簋之象二
簋黍與稷也五體離爻離爲火火數二故二簋天子祭
禮几八簋用二簋者損時也用亨上也上爲宗廟損二

體震長子主祭器今上升五則成益益耒耨之利於是
取故象黍稷既成用祭器以亨上也上佑五益三成既
濟故曰可用享也

損益盈虛與時偕行○乾盈坤虛損益盈虛損乾剛以益
坤柔也泰初之上則成損損二之五則成益益上之二
則成既濟變通趣時故與時偕行

六五或益之十朋之龜弗克違元吉○以二升五言在損
而稱益者以五既正成益也益云或者不主之辭不可
云上益之故云或也本卦坤數十兌爲朋故云十朋二
五既正三動體離爲龜故云十朋之龜弗克違者龜筮

協從也二上升五上來反三而定既濟故元吉

益

益利有攸往利涉大川○往二往應五也五乾中正二利應之故利有攸往利涉大川謂三三失位動成坎而體渙渙爲舟楫坎爲大川故利涉大川

益損上益下至與時偕行○否上之初故損上益下坤爲

民爲无疆震爲喜笑以貴下賤大得民故民說無疆乾爲道爲大明否上之初以乾照坤故其道大光云利有攸往中正有慶者中正謂五二應之故有慶也云利涉大川木道乃行者謂三動體渙渙舟楫象與木得水故

木道乃行云益動而巽日進无疆者震三動體離爲日
上體巽爲進三未動體坤坤爲无疆三動有巽離象日
與巽俱進故日進无疆云天施地生其益無方者否乾
爲天坤爲地陽主施乾下之坤是天施也震爲出坤萬
物所資生萬物出震故天施地生也坤爲方陽在坤初
爲無方與无疆同義云凡益之道與時偕行者艮爲時
震爲行與時偕行謂上來之三坎冬離夏益動反泰震
春兌秋四時象正也

君子以見善則遷有過則改○君子謂否乾乾陽稱君子
乾爲積善故曰善坤爲積不善故言過三動離爲目故

曰見否乾上反初則坤三得進而居四進而得位故見善則遷初在否本體坤今上反初則坤體壞故有過則改

初九利用爲大作元吉无咎○以得正言大作謂耕播耒耨之利蓋取諸此也坤爲用乾爲大震爲作故利用爲大作又震三月卦日中星鳥敬授人時故以耕播也體復初得正故元吉无咎

六二或益之至于帝吉○此以得正言或益之從外益之也益三於二言之者三正二得所承益三所以益二也坤數十損兌爲朋三變離爲龜故十朋之龜坤爲永上

之三得正二順承之陰承陽則永故永貞吉否乾爲王震爲帝自上至五體觀象祭祀艮爲宗廟益正月卦王用以郊天故享於帝得位故吉○又享帝者祭南郊感生帝也本卦否上之初體復出震帝之象二在坤爲鬼上來變坤爲震與帝一體以鬼配天之象

九五有孚惠心至惠我德○此以三上易位已定既濟言也既濟體兩坎坎爲心爲孚故有孚惠心心云惠者謚法愛民好與爲惠益本損上益下故稱惠也震爲問卜不習吉故勿問元吉坤爲我乾爲德五體乾居正民說无疆故有孚惠我德

夬

九五莧陸夬夬中行无咎○莧說也讀如莧爾而笑之莧陸讀爲睦和睦也震爲笑言兌爲說故莧陸三夬決上故夬夬大壯震爲行五在上中故中行由大壯動而得正故中行无咎

姤

天地相遇品物咸章也○謂坤出於巽而遇乾乾坤相見乎離乾爲物故品物咸章

后以施命誥四方○后繼體之君姤陰在下故稱后乾爲施巽爲命爲誥復震二月東方邁五月南方巽八月西

方復十一月北方皆總在初故以誥四方也

九五以杞包瓜

至

自天○杞杞柳木名也吳爲杞爲苞乾

圓稱瓜故以杞苞瓜含章謂五也五欲使初四易位以陰含陽已得乘之故曰含章初之四體兌口故稱含隕落也乾爲天謂四隕之初初上承五故有隕自天矣

萃

萃王假有廟

至

利有攸往○觀上之四成萃觀乾爲王假

至也艮爲廟體觀享祀上之四故假有廟致孝享矣大人謂五三四失位利之正變成離離爲見故利見大人亨利貞聚以正也坤爲牛故曰大牲四之三折坤得正

故用大牲吉三往之四故利有攸往

君子以除戎器戒不虞○君子謂五除脩戎兵也詩曰脩爾車馬弓矢戎兵陽在四爲脩坤爲器三四之正離爲甲冑戎兵飛矢坎爲弓弧巽爲繩艮爲石故除戎器也坎爲寇坤爲亂故戒不虞也

六二引吉无咎

二句

○應與爲繩艮爲手故引吉得正應

五故无咎利引四之初使辟已已得之五也孚謂五禴夏祭也體觀象故利用禴四之三故用大牲離爲夏故

禴祭

升

升元亨用見大人勿恤南征吉○臨初之三剛中而應故
元亨二之五爲大人離爲見坎爲恤二之五得正故用
見大人勿恤二之五成離離南方卦故南征吉

柔以時升○柔謂五坤也升謂二坤无君二當升五本卦
震兌爲春秋二升坎離爲冬夏四時象正故柔以時升
地中生木升君子以慎德積小以高大○木之升陽也地
陰養之柔以時升也地中生木以微至著積小以成高
大君子謂三小謂陽息復時復小爲德之本至二成臨
臨者大也臨初之三巽爲高二之五艮爲慎坤爲積故
慎德積小以高大

初六允升大吉○允進也初變之正進應四故允升二之
五初與四合志承五故大吉象曰上台志也卽以承五
言

九二孚乃利用禴○禴夏祭也孚謂二之五成坎爲孚離
爲夏故乃利用禴二升五得位故无咎也

六四王用亨于岐山吉无咎○王謂二已升五也巽爲岐
艮爲山故王用亨于岐山陽稱吉四順承五故吉无咎
也以人事明之此王謂夏后氏也岐山冀州之望亨者
二升五受命告祭也

六五貞吉升階○二之五故貞吉巽爲高坤爲土震升高

故升階也

象曰貞吉升階大得志也○五降二二五皆體坎故大得志

困

九二困于酒食朱紱方來至无咎○二困於三兌酉流坎爲酒四變體頤爲食紱鞶也天子三公九卿朱紱謂五也乾爲朱紳爲紱自外曰來言五來應二二當之正也初四正則體損二變應五則三伏陽出成既濟二簋用亨也坤爲用征行也動入坤坤爲凶得位故无咎

井

井改邑不改井无喪无得往來井井汔至亦未繙井羸其
瓶凶○泰初至五爲井坤爲邑乾初之五折坤故改邑
初爲舊井四應營之故不改井泰初之五坤象毀壞故
无喪五來之初失位无應故无得坎爲通故往來井井
往謂之五來謂之初與繩爲繙汔幾也謂二也幾至初
改未繙未有功也羸鉤羅也艮爲手巽爲繙離爲瓶手
繙折其中故羸其瓶體兌毀缺瓶缺漏故凶此言二當
正也

巽乎水而上水井

二句

○巽入也爲井者構木於泉是巽

水也兌口飲水坎爲通往來井井故養不窮也

君子以勞民勸相○君子謂泰乾也坤爲民初上成坎爲
勸故勞民勸相相助也謂以陽助坤

六四井甃无咎○以瓦甃叠井稱甃坤爲土初之五成離
離火燒土爲瓦治象故象曰井甃无咎脩井也○初舊
井四應初甃之則初正

九五井冽寒泉食○泉自下出稱井周七月夏之五月陰
氣在下二已變坎十一月爲寒泉初二已變體噬嗑食
故冽寒泉食矣

上六井收勿幕有孚元吉○幕蓋也收以輓籠收繙也坎
爲車應巽繩爲繙故井收勿幕有孚謂五坎坎爲孚故

元吉謂成既濟乾元定也

草

草已日乃孚元亨利貞悔亡○遯上之初爲草悔亡謂四
四失正動得位故悔亡離爲日孚謂坎四動體離五在
坎中故已日乃孚以成既濟乾道變化各正性命保合
太和乃利貞故元亨利貞悔亡矣

文明以說大亨以正○文明謂離說謂兌大亨謂乾四動
成既濟定故大亨以正也

天地革而四時成

四句

○謂五位成乾爲天蒙坤爲地震

春兌秋四之正坎冬離夏則四時具坤革而成乾故天

地草而四時成也湯武謂乾乾爲聖人天謂五人謂三四動順五應三故順天應人與爲命也

初九鞏用黃牛之草○鞏固也蒙坤爲黃牛艮皮爲草得位无應未可以動故有是象

六二巳日乃草之征吉无咎○二應五四隔三故巳日乃草之二爲離水火相息也之應故征吉體蒙震爲征正位故无咎

九五大人虎變未占有孚象曰大人虎變其文炳也○乾爲大人謂五也蒙坤爲虎變傳論湯武以坤臣爲君占視也離爲占四未之正五未在坎故未占有孚也○乾

爲大明四動成離離爲文故其文炳也

上六君子豹變小人革面征凶居貞吉象曰君子豹變其
文蔚也○蒙艮爲君子爲豹從乾而更故君子豹變也
陰稱小人面謂四革爲離以順承五故小人革面乘陽
故征凶得位故居貞吉蒙艮爲居也○蔚說文作蔚草
多貌兌小故其文蔚也

鼎

鼎元吉亨○大壯上之初與屯旁通天地交柔進上行得
中應乾五剛故元吉亨

象曰鼎象也以木與火亨饪也聖人亨以亨上帝而大亨

以養聖賢○六十四卦獨於鼎言象者象事知器故獨
言象也屯鼎通震木巽於下火炎於上而爍水亨飪之
象聖人謂乾初四易位體大畜震爲帝在乾天上故曰
上帝體頤象三動噬嗑食故以享上帝也大亨以養聖
賢者謂以九三變未濟應上體噬嗑食上體大有上九
爲聖賢三乾陽爲大故大亨以養聖賢下云巽而耳目
聰明申成此義

巽而耳目聰明 三句 ○謂三也三在巽上動成坎離有兩

坎兩離象乃稱聰明日月相推而明生焉故巽而耳目
聰明柔謂五得上中應乾五剛巽爲進震爲行非應二

剛也

君子以正位凝命○君子謂三鼎五爻失正獨三得位故以正位凝成也體姤陰始凝初巽爲命故以正位凝命也○乾未出震賴坤凝之三變養賢以成復震是謂凝命

艮

象曰艮止也至其道光明○位窮於上故止時止謂上陽窮止故止時行謂三體處震爲行也動謂三靜謂上艮止則止震行則行故不失時五動成離故其道光明

君子以思不出其位○君子謂三三君子位震爲出坎爲

隱伏爲思故以思不出其位也

上九敦艮吉○天應靜止下據二陰故吉

漸

六二鴻漸于磐飲食衎衎吉○艮爲山石坎爲聚聚石稱
磐初已之正體噬嗑食坎水陽物顯在頤中故飲食衎
衎得正應五故吉

上九鴻漸于陸其羽可用爲儀吉○陸謂三三坎爲平變
而成坤故稱陸也其羽可用爲儀謂三變而受上易位
成旣濟與家人象同義上之三得正離爲鳥故其羽可
用爲儀吉

漸君子以居賢德善俗○君子謂否乾乾爲賢德坤陰小人柔弱爲俗乾四之坤爲艮爲居以陽善陰故以居賢德善俗

歸妹

彖曰歸妹天地之大義也○乾天坤地三之四天地交以離日坎月戰陰陽陰陽之義配日月則萬物興故天地之大義乾主壬坤主癸日月會北震爲元黃天地之雜震東兌西離南坎北六十四卦此象最備四時正卦故天地之大義也

歸妹人之終始也○人始生乾而終於坤故人之終始雜

卦曰歸妹女之終謂陰終坤癸則乾始震庚也

豐

初九遇其妃主雖旬无咎往有尙○妃謂四四失位在震
爲主五動體姤遇故遇其妃主也雖旬无咎謂四失失
位變成坤應初坤數十四上之五成離離爲日

六五來章有慶譽吉○在內稱來章顯也慶謂五陽出稱
慶也譽謂二二多譽五發得正則來應二故來章有慶
譽吉

象曰六二有孚發若信以發志也○四發之五坎爲志

巽

剛與乎中正而志行柔皆順乎剛是以小亨利有攸往利
見大人○剛中正謂五也二失位動成坎坎爲志終變
成震震爲行也

君子以申命行事○君子謂遂乾巽爲命重象故申命變
至三坤爲事震爲行故行事也

六四悔亡田獲三品○田謂二失位悔也欲二之初已得
應之故悔亡二動得正處中應五五多功故象曰有功
也二動艮爲手故稱獲謂艮爲狼坎爲豕艮二之初離
爲雉故獲三品

九五貞吉悔亡无不利无初有終先庚三日後庚三日吉

象曰九五之吉位正中也○得位居中故貞吉悔亡无不利與究成震故无初有終震庚也謂變初至二成離至三成震震主庚離爲日震三爻在前故先庚三日謂益時也動四至五成離終上成震震爻在後故後庚三日也與初失正終變成震得位故无初有終吉

兌

兌亨利貞○大壯五之三成兌剛中而柔外二失正動應五承三故利貞

初九和兌吉○得位四變應已故和兌吉

九二孚兌吉悔亡○孚謂五四變五在坎中稱孚二動得

位應之故孚兌吉悔亡

彖曰兌說也

至

民勸矣哉

○剛中謂二五柔外謂三上二

三四利之正故說以利貞大壯乾爲天謂五也人謂三
二變順五承三故順乎天應乎人坤爲順也二四已變
成屯坎爲勞震喜兌說坤爲民坎爲心民心喜說有順
比象故忘其勞體屯故難也三至上體大過死變成屯
民悅無疆故民忘其死

麗澤兌君子以朋友講習○離爲麗兌陰麗陽故麗澤陽
息見兌學以聚之間以辨之兌二陽同類爲朋伏艮爲
友坎爲習震爲講兌兩口對故朋友講習也

渙

渙亨王假有廟利涉大川利貞○否四之二成渙天地交
故亨乾爲王假至也否體觀艮爲宗廟乾四之坤二故
彖云王假有廟王乃在中也坎爲大川渙舟楫象故彖
曰利涉大川乘木有功也二失正變應五故利貞

彖曰渙亨剛來而不窮柔得位乎外而上同○否四之二
坎爲通故不窮二之四順五故得位乎外而上同

風行水上渙先王以享于帝立廟○風行水上陰散而陽
聚故渙以立廟否乾爲先王享祭也震爲帝爲祭艮爲
廟四之二殺坤大牲故以享帝立廟謂成既濟有噍噍

食象也

六四渙其羣元吉○謂二已變成坤坤三爻稱羣得位順五故元吉也

九五渙汗其大號渙王居无咎○五為王艮為居當渙之時王居正位二變應故无咎

節

天地節而四時成節以制度不傷財不害民○泰乾天坤地震春兌秋坎冬三動離為夏故天地節而四時成也艮手稱制坤數十為度坤又為害為民為財二動體剝剝為傷三出復位成既濟定坤剝不見故節以制度不

傷財不害民

澤上有水節君子以制數度議德行○君子謂泰乾艮止
爲制坤爲度震爲議爲行乾爲德故以制數度議德行
乾三之五爲制數度坤五之乾爲議德行也

六四安節亨○二已變艮止坤安得正承五有應於初故
安節亨

九五甘節吉往有尙○得正居中坎爲美故甘節吉往謂
二二失正變往應五故往有尙也

中孚

中孚遊魚吉利涉大川利貞○訟四之初爲中孚與爲魚

體遯故遯魚遯弑父大壯陽來止之兌爲澤遯魚得澤
故吉坎爲大川二已應五化成坤三利出涉坎得正體
渙舟楫象故利涉大川二正而應五故利貞

象曰中孚柔在內而剛得中說而與孚乃化邦也遯魚吉
信及遯魚也利涉大川乘木舟虛也中孚以利貞乃應
乎天也○剛柔皆謂二二變應五故柔在內說而與孚
者兌說在二與孚謂之五二化應五成坤坤爲邦故化
邦也遯魚謂三四三四體遯弑君父二救之故信三出
體渙舟楫象故乘木舟虛訟乾爲天一動體乾故乃應
乎天

九二鳴雀在陰至靡之○靡共也震爲鳴訟離爲雀坎爲陰夜鶴知夜半故鳴鶴在陰二動成坤體益五艮爲子震與同聲者相應故其子和之坤爲身故稱我吾謂五也離爲爵爵位也坤爲邦國五在艮闔寺庭闕之象故稱好爵五利二變之正應以故吾與爾靡之

九五有孚攣如无咎○孚信也謂二在坎爲孚與繩艮手故攣二使化爲邦得正應已故无咎也

既濟

水火既濟君子以思患而豫防之○水火相濟以成其用其不相濟則患也君子謂乾三坤爲患坎爲思泰天地

交物所以濟終止則亂乾三楊若使二升五以正坤故
曰思患而豫防之謂防否也

九三高宗伐鬼方三年克之小人勿用○高宗殷王武丁
鬼方國名乾爲高宗坤爲鬼方乾二之坤五故高宗伐
鬼方坤爲年位在三故三年坤爲小人二上克五故三
年克之小人勿用象曰憊也

六四繻有衣袽終日戒○乾爲衣故稱繻袽敗衣也乾二
之五衣象裂壞故繻有衣袽離爲日坎爲盜在兩坎間
故終日戒謂伐鬼方三年乃克旅人勲勞衣服皆敗鬼
方之民猶或寇竊故終日戒也○三言定既濟之難四

言既濟不可恃

九五東鄰殺牛不如西鄰之禴祭實受其福○泰震爲東兌爲西坤爲牛震動五殺坤故東鄰殺牛在坎多眚爲陰所乘故不如西鄰之禴祭禴夏祭也離爲夏兌動二體離明得正承五順三故實受其福

未濟

君子以慎辨物居方○否乾爲君子艮爲慎辨辨別也物謂乾陽物也坤陰物也艮爲居坤爲方乾別五而居坤二故以辨物居方也

九四貞吉悔亡震用伐鬼方三年有賞于大邦○動正故